

ጴጊሮሲ ገፊዳ ኮይሮ ኪታ ጋሳ ቆፋ

ሃዋሪያ ጴጊሮሲ ገፊዳ ኮይሮ ኪታይ ገፊቴዳይ፤ «ዶሬቲዳ ሶሳ አሳታ» ጌቴቲ ጌጌቲዳይሳታሲኔ ጉሳ ኢሲያን ፑዴሃ ባጋን ላሌቲዳ አማኒያ አሳሳ። ሃ ኪታ አይፌ ቆፋይ። አማኖ ጋሶን ሜቶይኔ ዋዩይ ጋኪዳ አሳ ሚንሴሳናሳ። ሃ ማፃፋ ገፊይ። ኢያ ሃይቁዋ። ኢያ ዴንዱዋ። ኢያ ናምዓንሶ ዩሳ አዲያ ዩሱስ ኪሪስቶሳ ምንጌላ ቃላ ኤንታ ሃሳይሴስ። ዩሱስ ኪሪስቶሳ ዴዑዋ ሌሚሶ አሲ ዪሊዲ። ሜቱዋ ዳንዳዓን ካንሳናዳ ኤንታ ቆፊሴስ። ሄሳሬ ጋሲዲ። ሜቶይ ኤንታ አማኑዋ ጌሻቴሳ ፓጩይሳኔ። «ዩሱስ ኪሪስቶሲ ቆንጩያ ጋላስ» ቤሲያ ምይቶ ኤንቲ ኤካናው ዴዔይሳ ሃሳይሴስ።

ገፊይ። ኤንቲ ሜቶ ዳንዳዓና ሜላ ሚንሴሴይሳ ቦላ ኪሪስቶሳ ካሊያ አሳቲ ዴዔይሳዳ ዳና ሜላ ቆፊሴስ።

1 ጴጊሮሳ ኪታ አይፌ ቆፋታ

ሳሮሶ 1:1-2

ሶሳይ ኑስ ኢሚዳ አቶቴሳ 1:3-12

ጌሻቴሳ ዱሱ 1:13-2:10

ሜቶ ምዴ አማኒያ አሳይ ሃናናው ቤሲያባ 2:11-4:19

ጩማታሲኔ ናኅቴሳታስ ኢሜቲዳ ዞሬ 5:1-11

ኩሻ ቆፋ 5:12-14

¹ ታኒ። ዩሱስ ኪሪስቶሳ ሃዋሬይ ጴጊሮሲ፤ ጳንሶሳን፤ ጋላቲያን፤ ቃጳዶቂያን፤ ኢሲያኒኔ ቤቲኒያን ቤታንቾዳ ላሌቲዲ ዴዒያ ሶሳይ ዶሪዳ፤ አሳስ ሃ ዳብዳቢያ ፃፋስ። ² ዩሱስ ኪሪስቶሳስ ሂንቴ ኪቴታና ሜላኔ ኢያ ሱሳን ጌያና ሜላ፤ ሶሳ አዋይ ባ ካሴ ኤራን ዶሪዳይሳታሲኔ ጌሻ አያናን ጌዩዳ፤ ሂንቴው አጾ ኪሃቴሳይኔ ሳሮቴሳይ ጊዶ።

ዳዮና ኡፋይሳ

³ ዩሱስ ኪሪስቶሳ ሃይቆፕ ዴንሲዲ ባ ጊታ ማሮቴሳን ናምዓንሶ ዩሌቴሳኔ ዳዮና ኡፋይሳ ኢሚዳ ኑ ጎዳ ዩሱስ ኪሪስቶሳ አዋይ፤ ሶሳይ ጋላቴቶ። ⁴ ቃሲ ሶሳይ ሂንቴው ዳዮና፤ ኢቶናኔ ቡቆና ላታ ሳሎን ጊጊሲስ። ⁵ ሄ ላታይ ምዴ ወርሴሳን ቆንጫናው ዴዒያ አቶቴሳ ሶሳ ምልቃን አማኖን ሂንቴው ናጌቲዲ ዴዔስ።

⁶ ሃሳ ጉሳ ምዴስ ሂንቴ ዱማ ዱማ ፓጩን ኡንዔቲካ ሄሳን ኡፋይቲቴ። ⁷ ሄ ፓጩይ ሂንቴና ጋኪዳይ፤ ታማን ዩጊን ዳያ

ዎርቃፌ ሂንቴ አማኖይ አድኔ ቱማ ጊዴይሳ ቤሳናሳ። ሄ ፓጩቲዳ አማኑዋን ዩሱስ ኪሪስቶሲ ቆንጨያ ዎዴ ጋላታ፥ ቦንቾኔ ሳባ ሂንቴ ኤካና። ⁸ ሂንቴ ዩሱሳ ቤዒቤኬታ፥ ሺን ኢያ ሲቁታ። ሂንቴ ሃዒ ኢያ ቤዒቦናባ ጊዴኮካ፥ ኢያ አማኔታ። ቃሲ አዳን ቆንጨሳናው ዳንዳዔቶና ኡፋይሳሂኔ ቦንቾን ኩሚዴታ። ⁹ ሂንቴ አማኖን ናጊያ ሂንቴ ሼምፑዋ አቶቴላ ኤካና።

¹⁰ አዶ ኬሃቴላ ባጋራ ሂንቴው ጊጊዳ ሃ አቶቴላባ ናቤቲ ኤራናው ጊታ ኮሻኒኔ ናጎን ኮዩዶሶና። ¹¹ ኤንታን ዴዒያ ኪሪስቶሳ አያናው ኢያ ዋያባኔ ሄሳፌ ጉዩ ያና ቦንቹዋባ ካሴቲዲ ማርካቲሼ፥ አወዴ ዎይኮ ዋኒይ ሃናኔኮ አኬካን ፒልጊዶሶና። ¹² ናቤቲ አዲዳ ቲንቢቴይ ባንታው ጊዶናሺን ሂንቴው ጊዴይሳ ያሳይ ሂንቴው ቆንጨሲስ። ሃዒ አሳይ ሂንቴው አዲዳ ዎንጊላ ሳሎፔ ኪቴቲዳ ጌሻ አያና ዎልቃን ሂንቴው አዲዶሶና። ኪታንቾቲካ ሄሳ ቤዓናው አሞቲዶሶና።

ጌሻቴላን ዴዒቲ

¹³ ሄሳ ጊሾ፥ አሶስ ሂንቴና ጊጊሲቲ፤ ሂንቴና ሃሪቴ። ዩሱስ ኪሪስቶሲ ቆንጨያ ዎዴ ሂንቴ ኤካና አዶ ኬሃቴላ ኡፋይሳን ናጊቴ። ¹⁴ ያሳ ናይታዳ ኢያው ኪቴቲቲ፤ ሂንቴ ካሴ ኤሮና አሲዳ ኢታ አሙዋ ካሎሬቴ። ¹⁵ ሺን ሂንቴና ዩጊዳ ያሳይ ጌሺ ጊዲዳይሳዳ ሂንቴካ ሂንቴ ዱሳ ኡባን ጌሺ ጊዲቴ። ¹⁶ ጌሻ ማፃፋን፥ «ታኒ ጌሺ ጊዲዳ ጊሾ ሂንቴካ ጌሺ ጊዲቴ» ጌቴቲ ሃፌቲስ።

¹⁷ አሳ ሶምዎ ቤያና ኢያ አሱዋዳ ፒርዲያ ያሳ፥ «ኑ አዋው» ጊዲ ዩጊያባ ጊዲኮ፥ ሃ ሳዓ ኢማላቴላ ዱሳ ያሻን ዴዒቲ።

¹⁸ ሂንቴ፥ ሂንቴ አዋታፔ ላቲዳ ፓሶና ዴዑዋፔ ዎዜቲዳይሲ፥ ዳያ ቤራን ዎይኮ ዎርቃን ጊዶናይሳ ኤሬታ። ¹⁹ ቦሬይ ዎይኮ ቦርሶይ ባይና ዶርሳ ሱላዳ አልዎ ጊዲዳ ኪሪስቶሳ ሱላን ዎዜቲዴታ።

²⁰ ያሳይ አላሜይ ሜዴታናፔ ካሴ ኪሪስቶሳ ዶሪስ፥ ሺን ሃ ወርቤላ ዎዲያን ኪሪስቶሲ ሂንቴ ጊሾ ቆንጨስ። ²¹ ሂንቴ አማኖይኔ ሂንቴ ኡፋይሳይ ያሳን ጊዳና ሜላ ኢያ ሃይቆፔ ዴንሲዲ፥ ቦንቹዳ ኪሪስቶሳ ባጋራ ያሳን አማኔታ።

²² ሂንቴ ቱማቴላስ ኪቴቲዲ ሂንቴናቴላ ጌሺዴታ። ሂንቴ ኢሶይ ኢሱዋ ዎዛናፔ ሲቁታ፥ ሺን ሃዒካ ቱማ ዎዛናፔ ሚንሲዲ ሲቁቴ።

²³ ሂንቴ ናምዓንሉ ዩሌቲዳይ ዳያ ዜሬላፌ ጊዶናሺን ሜሪናው ዴዒያ ያሳ ቃላን ዳዮና ዜሬላፌ ዩሌቲዴታ። ²⁴ ያሳ ቃላይ፥

«አሲ ኡባይ ማታ ሜላ፤

ኢያ ቦንቾ ኡባይ ጨሻ ሜላ።
 ማታይ ሜሌስ፣ ጨሻይካ ቆሌቴስ።
 25 ሺን ጎዳ ቃላይ ሜሪናው ዴዔስ።
 ያጌስ። ሂንቴው አዴቲዳ ዎንጌላ ቃላይ ሃይሳ።

2

ዴዎ ሹቹኔ ጌሻ ዴሬ

1 ሂዛ፣ ኢታቴሲ ኡባ፣ ጨዎ ኡባ፣ ጨቦቴሲ ቃናቴኔ ዚጊርሲ ኡባ ሂንቴሬ ዲጊቴ። 2-3 ጎዳይ ኬሃ ጊዴይሳ ሂንቴ ኤሪዲ ሜዜቲዳይሳዳ ሃዲ ዩሌቲዳ ጉሳ ናይታዳ ሂንቴ አቶቴሳን ዲጨሺ ባናው ያሳ ጌሻ ቃላ ማሳ ኡባ ዎዴ አሞቲቴ።

4 አሳን ቦሬቲዲ ያሳን ዶሬቲዳ አልዎ ጊዲዳ ዴዎ ሹቻ፣ ጎዳ ዩሱሳኮ ሺቂቴ። 5 ሂንቴ አያና ኬሲ ኬዔቲያ ዴዎ ሹቻታ። ሂንቴ ዩሱስ ኪሪስቶሳ ባጋራ ያሳ ኡፋይሲያ አያና ያርሾ ያርሺያ ጌሻ ካሂኔታ። 6 ጌሻ ማፃፋን፣

«ሄኮ፣ ታኒ ዒዮኔ ካታማን ጎዳ ፃጹዎ ሚንሲያ፣
 ዶሬቲዳ፣ አልዎ ሹቻ ዎሳስ፤

ኢያን አማኒያ አኒካ ዩላቴና»
 ያጌስ። 7 ሃ ሹቻይ ሂንቴው አማኔይሳታስ አልዎ፣ ሺን አማኖናይሳታስ፣

«ጊምቤይሳቲ ካዲዲ ኢዲዳ ሹቻይ
 ጎዳ ፃጹዎ ሚንሲያ፣
 ኡባሬ አዲያ ሹቹ ጊዲስ።»

8 ቃሲካ፣
 «ሃ ሹቻይ አሴ ዱቢያ ሹቹኔ አሴ ኩንዲሲያ ዛላ»
 ያጌስ። ኤንቲ ሄሳስ ቃዴቲዳ ጊሾ ያሳ ቃላ ኪቴቶና ኢዲዲ ዱቤቲዶሶና።

9 ሺን ያሳይ ዱማቴ ማላሊሲያ ባ ፖዑዎኮ ሂንቴና ዩጊዳይ፣ ሂንቴ ኢያ ሎዎቴሳ ሃራታስ አዳናው ዶሬቲዳ ዛሬ፣ ካዎ ካሂኔ፣ ጌሻ ዴሬኔ ያሳ ዱማ ዴሬ። 10 ሂንቴ ካሴ ያሳ ዴሬ ጊዴኬታ፣ ሺን ሃዲ ሂንቴ ኢያ ዴሬ። ሂንቴ ካሴ ማሮቴሲ ዴሚቤኬታ፣ ሺን ሃዲ ማሮቴሲ ዴሚዴታ።

ያሳ አይሌዳ ዴዎ

1:24 ኢሳ 40:6-8 2:2-3 ማዝ 34:8 2:6 ኢሳ 28:16 2:7 ማዝ 118:22
 2:8 ኢሳ 8:14-15 2:9 ኬሳ 19:5-6፤ ኢሳ 43:20-21፤ ዛሬ 4:20፤ 7:6፤
 14:2፤ ቲቶ 2:14፤ ኢሳ 9:2 2:10 ሆሴ 2:23

11 ታ ኢሻቶ፥ ሂንቴ ሃ ሳዓን ኢማሴኔ ቤታንቾ ጊዲዳይሳዳ ሂንቴ ሽምጥዋ ኦሊያ አሾ አሞጥ ሃካና ሜላ ታኒ ሂንቴና ዎሳይስ።
 12 አማናና አሳይ ሂንቴና ኢታ ኦሊያ አሳዳ ዚጊርያ ዎዴ ዎሳይ ኑና ቤዓናው ያ ጋላስ፥ ኤንቲ ሂንቴ ሎዎ ኦሱዋ ቤዲዲ ዎሳ ጋላታና ሜላ ሂንቴው ሎዎ ዴዎይ ዴዎ።

13 ጎዳ ጊሾ ጊዲ ማታራ ዴዲያ አሳታስ ሃሬቲቴ፤ ኡባፌ ቦላ ጊዲያ ጊሾ ካዉዋስካ ሃሬቲቴ። 14 ኤንቲ ኢታ ኦሊይሳታ ሴራናዉኔ ሎዎ ኦሊይሳታ ሳባናው ካዉዋጥ ኪቴቲዳ ጊሾ ዴሪያ አይሴይሳታስ ሃሬቲቴ። 15 ሂንቴ፥ ሂንቴ ሎዎ ኦሱዋን ኤርና ኤያ አሳ ዶና ኦይሳናይሲ ዎሳ ሼኔ። 16 ዎሳ አይሌ ጊዲዲ ላዓቴሳን ዴዲቴጥ ኦቲን ሂንቴ ላዓቴሳ ኢታ ኦሱስ ካማ ኦሶፊቴ። 17 አሳ ኡባ ቦንቺቴ፤ አማኒያ አሳ ሲቂቴ፤ ዎሳ ያዩቴ፤ ካዎ ቦንቺቴ።

ኪሪስቶሳ ዋያ ሌሚሱዋ

18 አይሌቶ፥ ሎዎ ጎዳታሲኔ ኪሃ ጎዳታ ሃላላስ ጊዶናሺን ኢታታስካ ቦንቾን ሃሬቲቴ። 19 አሲ ዎሳ ጊሾ ጊዲ ቤሶና ዋዩ ዋዩቲኮ ዎሳይ ኢያ አንጃና። 20 ሺን ሂንቴ ናጋራ ኦሊን ሂንቴና ዴቺያ ዎሊ ሂንቴ ዳንዳዲኮ ሂንቴው አይ ጋላቲ ዴዒ? ሺን ሎዎባ ኦሊዲ ዋዩ ዳንዳዲኮ ዎሳይ ሂንቴና ሄሳስ አንጃና። 21 ዎሳይ ሂንቴና ዪጊዳይ ሄሳ ጊሾሳ፤ ኪሪስቶሲ ሂንቴው ዋዩቲስ፤ ሂንቴ ኢያ ካላና ሜላ፥ ሂንቴው ሌሚሶ ጊዲስ። 22 ኢ ናጋራ ኦሊቤና፤ ኢያ ዶናንካ ዎርዶይ ቤንቲቤና። 23 ኤንቲ ኢያ ጫያ ዎዴ ዛሪዲ ጫዩቤና። ሺን ዋዩ ኤኪሼ ዪሎ ፐርዲያ ዎሳስ ባ ፐርዳ አጋጊስጥ ኦቲን ማንዲቤና። 24 ኑኒ ናጋራስ ሃይቂዲ ዪሎቴሳስ ዳና ሜላ ኪሪስቶሲ ባ ኦሾዋን ኑ ናጋራ ማስቃሊያ ቦላ ቶኪስ፤ ሂንቴ ኢያ ማዱንሳን ፓዪዴታ። 25 ካሴ ሂንቴ ኦጊ ባሊዲ ዳዩዳ ዶርሳ ሜላ፥ ሺን ሃዒ ሂንቴ ሽምጥዋ ሄሜይሳኮኔ ናጌይሳኮ ሲሚዴታ።

3

አዚናባኔ ማቺባ

1-2 ሄሳዳካ፥ ማቼቶ፥ ሂንቴ አዚናታጥ ዎሳ ቃላስ ኪቴቶናይሳቲ ዴዲካካ አይኮካ ኦዴቶናሺን፥ ሂንቴ ያሻቴሳኔ ሂንቴ ጌሻ ዴዑዋ ቤዲዲ አማናና ሜላ ኤንታው ሃሬቲቴ። 3 ሂንቴ፥ ሂንቴ ሁዔ ፐዶኒኔ ዎርቃ ኦሶን ዎይኮ ሎዎ ማዎን ሂንቴ ቦላ አሳቴሳ ሎይሶን ጊዶፖ። 4 ሺን ሂንቴ ዎዛና ጊዶን ዴዲያ ዩጌልሳቴሳይ ዎሳ

2:22 ኢ.ሳ 53:9 2:23 ኢ.ሳ 53:7 2:24 ኢ.ሳ 53:5 2:25 ኢ.ሳ 53:6
 3:1-2 ኤፌ 5:22፤ ቆላ 3:18 3:3 1ጊዋ 2:9

ሲንሳን ሂንቴው ዳር አልፎ ጊዲዲ ጳዮና፥ አሽኪኔ ምፑ ጊዳ አያና ጊዶ።⁵ ሦሳይ ኢማና ጊዳይሳ አማኒዳ ጌሻ ማጫሳቲ ቢኒ ዎዴ ባንታ አዚናታስ ሃሬቲዲ፥ ባንታና ሄሳዳ ዳር ሎይሲዶሶና።⁶ ሄሳዳ ሳራ አብራሃሜ፥ «ታ ጎዳው» ያጋዳ ዔጋሽ፥ ኢያው ኪቴታሱ፤ ሂንቴካ አይኮካ ያዮና ሎዎባ አሲኮ ኢ ናይታ።

⁷ አዚናቶ፥ ሂንቴ ማቼቲ ሂንቴፌ ዳቡራንቾ ሜዴታ ጊዴይሳ ኤሪዲ፥ ኤንታና ቦንቼቲ፤ ሂንቴ ዎሳ ዱቦና ሜላ ሦሳይ ኢሚዳ ዴዑዋ ኤንቲ ሂንቴራ ኢሲፌ ላቲያ ጊሾ ኤንታ ቦንቼቲ።

ሎዎ አሲዲ ሜቶ ኤኮ

⁸ ወርሴሳን፥ ኡባይ ኢሲ ቆፋን ዴዲቲ። ኢሶይ ኢሱዋስ ቃዴቲሽ፥ ኢሻዳ ሲቄቲቲ፤ ቃሲ ኢሶይ ኢሱዋስ ኪሃታኔ አሽኪታ ጊዲቲ።⁹ ኢታ ጊሾስ ኢታ ዎይኮ ጫሻ ጊሾ ጫዬዲ ዛርፕቲ፤ ሄሳ አጊዲ፥ ሦሳይ ሂንቴው አንጃዋ ኢማናው ሂንቴና ዔጊዳ ጊሾ አንጂቲ።¹⁰ አይስ ጊኮ፥ ጌሻ ማፃፋይ፥ «ዴዎ ዶሴይኔ ሎዎ ዎዴ ቤዓናው ኮዬይ እና ጊዲኮካ ባ ኢንፃርሳን ኢታባኔ ዎርዶ አዴቴይሳ አጎ።

¹¹ ኢታባ አሴይሳ አጊዲ ሎዎባ አሶ፤

ሳርቴሳካ ኪሂ ኮዮኔ ካሎ።

¹² ጎዳ አይፌይ ዒሎታኮ ዒሌስ፤

ቃሲ ኢ ኡባ ዎዴ ኤንታ ዎሳ ሃይዜስ።

ሺን ጎዳይ ኢታባ አሴይሳታ ባ ሃንቆ ሶምዑዋን ዒሌስ። ያጌስ።

¹³ ሂንቴ ሎዎባ አላናው አሞቲኮ ሂንቴና ቆሃናይ አኔ? ¹⁴ ሃሪ አቶሺን፥ ዒሎቴሳ ጊሾ ሂንቴ ዋዩቲኮ አንጄቲዳይሳታ። አሳስ ያዮፊቴኔ ሂርጎፊቴ።¹⁵ ኪሪስቶሳ ሂንቴ ዎዛናን ቦንቼቲኔ ጎዳዩቲ። ሦሳይ ሂንቴው ኢሚዳ ኡፋይሳስ ጋሶ አይቼያ አዴስካ ዛር ኢማናው ኡባ ዎዴ ጊጊ ኡቲቲ፥ ሺን ሄሳ አሽኪቴሳኒኔ ያሻን አሲቲ።¹⁶ ቃሲ ኪሪስቶሳን ሂንቴ ዴዲያ ሎዎ ዴዑዋ ኢታባ አሲዳባዳ፥ ሂንቴና ጫያ አሳይ ዚጊርያባን ዩሳታና ሜላ ሂንቴ ካሃይ ጌሺ ጊዶ።¹⁷ ሦሳይ ጊዳባ ጊዲኮ ኢታባ አሲዳ ጊሾ ዋዩ ኤኪይሳፌ ሎዎባ አሲዳ ጊሾ ዋዩ ኤኪይሲ ሎዎ።¹⁸ ኪሪስቶሲ ኑና ሦሳኮ ሺሻናው ባው ዒሎ ጊዲዲ ዴዲሽ፥ ናጋራንቾታ ጊሾ ኢሲ ቶዎ ናጋራ ኡባስ ሃይቂስ፤ ኢ ባ አሳቴሳን ሃይቂስ፥ ሺን አያናን ፓዒስ።¹⁹ ቃሲ ሄ አያናን ኢ ቢዲ ቃሾን ዴዲያ ሺምፖታስ ቃሳ አዲስ።²⁰ ኖሃይ ማርካቢያ ኪዒያ ዎዴ ሄ ሺምፖቲ ሦሳስ ኪቴቶና ኢዒዶሶና፥ ሺን ሦሳይ ኤንታና ዳንዳዒስ። ሆስፑን አሳ

3:6 ሜዴ 18:12 3:7 ኤፌ 5:25፤ ቆላ 3:19 3:10 ማዝ 34:12-16
3:14 ማቶ 5:10፤ ኢሳ 8:12-13

ፃላሊ ማርካቢያን ጌሊዲ፥ ጳዮ ሃሳፌ አቲዶሶና። 21 ሄ ጳዮ ሃሳይ ሃዲ ሂንቴና አሺያ ሂንቃቴ ሌሚሶ ጊዲስ። ሃ ሂንቃቴይ ቦላ ቂታ ሜጮ ጊዶናሺን ሎዖ ካሃ ያሳፌ ኤካናው ኢያ ዎሲያ ኦጌ ጊዲዲ፥ ኪሪስቶሳ ዴንዱዋ ባጋራ ሂንቴና አሺስ። 22 ኢ ሳሎ ቢዲ ያሳ ኡቫቻን ኡቲዲ፥ ኪታንቸታ፥ ማታ አዋታኔ ዎልቃማታ ሃሬስ።

4

ያሳስ ዴያ

1 ሄሳ ጊሾ፥ ኪሪስቶሲ ባ አሹዋን ኑስ ዋዩቲዳ ጊሾ ሂንቴካ ሄ ቆፋን ሂንቴና ዳንጨሲዲ ሚኒዲ ኤቂቴ። ኪሪስቶሳ ጊሾ ጊዲ ባ አሹዋን ዋዩ ኤኪዳ ኡራይ ናጋራ አሲኬ ጊዲ ቃንጊዳ አሲ። 2 ሄ ኡራይ ባ አቲዳ ሳይሳን ያሳ ሼኔ አሳናው ኮዩሲፔ አቲን ኢታ አሾ አዋን ዴና። 3 ካሴ ሂንቴ አማኖና አሳይ ዴዲዳይሳዳ ዴዲዴታ። ሂንቴ ኢታ አዋን፥ ሳይማቴሳን፥ ማሶን፥ ቱናቴሲ ዴንሴሲያ ዩሳን፥ ፖኪያ ኤቃ ጎይኖን ካሴ ዴዲዳ ዱሳይ ጊዳና። 4 አማኖና አሳራ ሂንቴ ሾሪ ባይና አሱዋ አሶና ጊሾ ማላሌቲዲ ሂንቴና ጫዮሶና። 5 ሺን ኤንቲ ፓፃታ ቦላኔ ሃይቂዳ አሳ ቦላ ፐርዳናው ዴዲያ ያሳስ ዛሮ ኢማና። 6 ሃይቂዳ አሳስ ዎንጌላይ ሳባኬቲዳይ ሃይሳ ጊሾሳ። ኤንቲ አሳሶ ባንታ አሹዋን ፐርዴታና ቃሲ ባንታ አያናን ያሳሶ ዴያን ዳና። 7 ሂዛ፥ ኡባባስ ዉርሴሳይ ማታቲስ። ሄሳ ጊሾ፥ ዎሳናው ዳንዳዔታና ሜላ ዎፑ ጊዳ ዎዛኒ ዴያ፤ ማራራ ዴዲቴ። 8 ሲቆይ ዳሮ ናጋራ ካሚያ ጊሾ ኡባፌ አሲዲ ኢሶይ ኢሱዋራ ዎዛናፔ ሲቂቴቴ። 9 ዙዙዎና ኢሶይ ኢሱዋ ኢማላቴሳን ሞኪቴ። 10 ሂንቴ ያሳፌ ዱማ ዱማ አዶ ኬሃቴሳ ኢሞታ ኤኪዳይሳዳ ሂንቴ ኢሶይ ኢሶይ ሄ ኢሙዋ ቤሲያዳ አይኪዲ ኢሶይ ኢሱዋ ሃጋዙቴ። 11 ዩሱስ ኪሪስቶሳ ባጋራ ኡባባን ያሳይ ጋላቴታና ሜላ አኒካ አዲያባ ጊዲኮ ያሳፌ ቃላ ኤኪዳዳ አዶ። ቃሲ አኒካ ማዲያባ ጊዲኮ ያሳይ ኢያው ኢሚያ ዎልቃዳ ማዶ። ቦንቾይኔ ዎልቃይ ሜሪናፔ ሜሪና ጋካናው ኢያው ጊዶ። አሚንዲ።

አማኖ ጋሶን ጋኪያ ዋያ

12 ታ ባጋቶ፥ ሂንቴ ታማዳ ፀጊያ ዋዩ ፓጨያ ጊዶራ አዲያ ዎዴ አራሳባይ ሃኒዳዳ ማላሌቶሬቴ። 13 ሺን ኢያ ቦንቾይ ቆንጨያ ዎዴ ሂንቴ ኡፋይሳይ ጊታ ጊዳና ሜላ ኪሪስቶሳ ዋያ ሂንቴ ኤኬይሳን ኡፋይቲቴ። 14 ኪሪስቶሳ ሱንሳ ጊሾ አሲ ሂንቴና ጫያ ዎዴ ያሳ ቦንቾ አያናይ ሂንቴ ቦላ ሼምፒያ ጊሾ ሂንቴ

አንጂቲዳይሳታ። 15 ሂንቴፌ ዋዩ ኤኪያ አኒካ ሼምፖ ዎዲዳዳ ዎይኮ ካይሶቲዳዳ ዎይኮ ኢታ ኦሲዳዳ ዎይኮ ጌልሶናባን ጌሊዳዳ ሃኒዲ ዋዩቶፎ። 16 ጊዶሺን፣ አማኖ ጊሾ ዋዩቲኮ ኪሪስቶሳ ሱንሳ ጊሾ ያሳ ጋላቶፔ አቲን ዩላቶፖ።

17 ፐርዲ ያሳ አሳ ቦላ ዶሚያ ዎዴይ ጋኪስ። ሂዛ፣ ሄ ፐርዳይ ኮይሮ ኑ ቦላ ዶሚያባ ጊዲኮ፣ ያሳ ዎንጌላስ ኪቴቶና አሳ ዉርሴሳይ አይ ጊዳኔ? 18 ዒሎይ ኡንግን አቲያባ ጊዲኮ፣ ማካላንቾይኔ ናጋራንቾይ ያቲን ዋናኔ? 19 ሄሳ ጊሾ፣ ያሳ ሼኔዳ ዋዩ ኤኪይሳቲ ባንታ ሼምፑዋ ሃዳራ ባንታና ሜዲዳ፣ አማንሴያ ያሳስ ኢሚሼ ሎዎባ አሶ።

5

ጨማታሲኔ ያላጋታስ ኢሜቲዳ ዞሬ

1 ሂዛ፣ ዎሳ ኬላ ጨማታራ ጨማ ጊዲዳይሲ፣ ኪሪስቶሳ ዋያ ማርካቴይሲኔ ቆንጫናው ዴዒያ ቦንቹዋ ሻኪታናው ዴዒያ ታኒ፣ ሂንቴ ጊዶን ዴዒያ ጨማታ ዞራይስ። 2 ሂንቴ አዋቴሳፌ ጋርሳን ዴዒያ ያሳ ዉዲያ ሄሚቴ። ያሳይ ኮዩይሳዳ ዶሳናፔ አቲን ኡንግቲዲ ሄዎፊቴ። ቃሲ ሚሼ ኮሻን ጊዶናሺን ሃጋዛናው ዴዒያ ሎዎ ቆፋን ሄሚቴ። 3 ሂንቴ አዋቴሳፌ ጋርሳን ዴዒያ ዉዲያስ ሌሚሶ ጊዲቴፔ አቲን ጎዳቶፐቴ። 4 ሄሜይሳታ ሃላቃይ ቆንጨያ ዎዴ ቆሌቶና ቦንቾ ካላቻ ሂንቴ ኤካና።

5 ሄሳዳካ፣ ያላጋቶ፣ ጨማታስ ሃራቴቴ። ሂንቴ ኢሶይ ኢሱዋስ አሽኪ ጊዲቴ። ጌሻ ማግፋን፣ «ያሳይ አቶራንቾታ ኢዪስ፣ ሺን አሽኪታስ አዶ ኬሃቴሳ ኢሜስ» ያጌስ። 6 ያሳይ ባ ዎዴ ሂንቴና ቦንቻና ሜላ ዎልቃማ ያሳ ኩሺያፔ ጋርሳን ሂንቴና ካዉሺቴ።

7 ኢ ሂንቴው ቆፐያ ጊሾ ሂንቴና ሂርጊሲያ ኡባ ኢያ ቦላ ዩጊቴ።

8 ሂንቴ ሞርኬይ ግላሄይ፣ ሚቲያባ ኮዩዲ፣ ጋዋዳ ጉዲሼ ሂንቴ ማታራ ዩያ ጊሾ ሂንቴና ሃራቴኔ ባርኪቴ። 9 አላሜን ዴዒያ ሂንቴ ኢሻቲ ሄሳዳ ዋዩ ኤኪይሳ ኤሪዲ፣ አማኖን ሚኒዲ፣ ግላሂያራ ኤቁቲቴ። 10 ባ ሜሪና ቦንቹዋስ ኪሪስቶስ ዩሱሳ ባጋራ ሂንቴና ዪጊዳ አዶ ኬሃቴሳ ኡባ ያሳይ፣ ጉሳ ዎዴስ ሂንቴ ዋዩቲዳፔ ጉዩ፣ ኢ ባ ሁጫን ሂንቴና ሺሻና፣ ካቲሳና፣ ሚንሴዲ ኤሳና፣ ግሊሳና። 11 ሜሪናፔ ሜሪና ጋካናው ያሳይ ካዎቶ፣ አሚንዲ።

ዉርሴሳ ሳሮሶ

12 አማኔቲዳ ኢሻ ጋዳ ታ ኤኪያ ሲላሴ ባጋራ ሃ ዳብዳቢያ ሂንቴው ቃንሳን ግፋስ። ታ ሄሳ ሂንቴው ግሬዳይ፣ ሂንቴና

4:18 ሌሚ 11:31 5:2 ዮሃ 21:15-17 5:5 ሌሚ 3:34 5:6 ማቶ 23:12፣ ሉቃ 14:11፣ 18:14

ዞራናወኔ ያሳ አዶ ከሃቴሳይ ቱማ ጊዴይሳ ማርካታናሳ። ሄ አዶ ከሃቴሳን ማኒኒኒ ኤቁቴ።

¹³ ሂንቴራ ኢሲፌ ዶሬቲዳ ባቢሎንን * ዴዲያ ያሳ ከሳ አሳይኔ ታ ናዓ ማርቆሲ ሂንቴና፣ «ሳሮ ሳሮ» ያጌስ። ¹⁴ ሲቆ ዩሬቴሳ ዩሬቲሼ፣ ኢሶይ ኢሱዋ ሳሮሲቴ።

ኪሪስቶሳን ዴዲያ ሂንቴ ኡባስ ሳሮይ ጊዶ። አሚንዲ።

5:12 ሃ.አ 15:22፣ 40 * 5:13 ባቢሎን፣ ሃ ቤሳን ባቢሎኔ ጌቴቲዳይ ሮሜ ካታማ ጊዶና አጌና። 5:13 ሃ.አ 12:12፣ 25፣ 13:13፣ 15:37-39፣ ቆላ 4:10፣ ፊልሞ 24

አራሳ ጫቁዋ ጎፋሳ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25
